



## Nakon akcije **SIPA-e** "Papyrus"



Privođenje osumnjičenih u Tužilaštvo KS



# Trojica uhapšenih predata Tužilaštvu KS

Zvorničani Bojan Đokić i Savo Manojlović te Izet Redžović iz Sarajeva, koji su prekjučer pali u akciji "Papyrus", koju su izveli pripadnici **SIPA-e**, jučer su predati u Tužilaštvo Kantona Sarajeva. Bit će zadržani 24 sata, nakon čega će biti poduzete daljnje mjere protiv njih.

U prekjučerašnjoj akciji

je uhapšeno još sedam osoba. Osumnjičeni su da su kao organizirana kriminalna grupa krali identitete bh. građana koje su prodavali kriminalcima iz regiona, čime su im omogućavali dobivanje originalnih pasoša BiH. Istragom je utvrđeno da je ova kriminalna grupa pribavila lažne dokumente BiH za 36

osoba iz kriminalnog miljea.

Nezvanično, lažni pasoši su koštali oko 10.000 eura, a ukradene identitete su imali kriminalci s područja Srbije, Crne Gore, Bugarske i jedna osoba koja je 17. jula uhapšena u Peruu zbog krijumčarenja droge iz Južne Amerike u Evropu.

U oktobru 2014. Manoj-

lović i Đokić su hapšeni u akciji "Golf". S ostatkom grupe krali su vozila, prepravljali im dokumentaciju i brojeve te ih preprodavali. Redžović je hapšen sredinom aprila 2010. godine, kada je kod njega pronađen kilogram eksploziva. U decembru 2015. ponovo je hapšen zbog oružja u akciji "Lift". **Dž. Bl.**